

Aqutsinermi Ileqqoreqqusaq

**Inuusuttut Kommunalbestyrelsianut
Kommuneqarfik Sermersuumi**

Katitigaaneq

§ 1. Inuusuttut Kommunalbestyrelsiata katitigaanera ima aqqissuunneqarpoq taamaalilluni Kommuneqarfik Sermersuumi nunaqarfinnit aamma illoqarfinnit tamanit assigiimmik sinniisoqarnissaq qulakkeerneqassammat.

Imm. 2. Kommunimi meeqqat atuarfiit atuarfillu namminersortoq tamarmik ataatsimik ilaasortaqaassapput, atuarfik 7., 8. imaluunniit 9. klasseqarpat. Atuarfiit ukua qinigassanngortitsisinnaapput:

- | | |
|---|---|
| <ul style="list-style-type: none">• Tasiilami Alivarp (Tasiilaq)• Ejnar Mikkelsenila Aluarpia (Ittoqqortoormiit)• Atuarfik Tuiisaaq (Paamiut)• Kuummiini Alivarpik (Kuummiit)• Kulusumi Alivarp (Kulusuk)• Sermiligaap Alivarpia (Sermiligaaq)• Tiilerilaami Alivarp (Tiilerilaq)• Arsuup Atuarfia (Arsuk)• Isertup Alivarpia (Isertog) | <ul style="list-style-type: none">• Qeqertarsuatsiaat Atuarfik (Qeqertarsuatsiaat)• Kapisillit Atuarfia (Kapisillit)• Kangillinnuguit Atuarfiat (Nuuk)• Nuussuup Atuarfia (Nuuk)• Atuarfik Hans Lynge (Nuuk)• Atuarfik Inussuk (Nuuk)• Heldagsskolen (Nuuk)• Nuuk Internationale Friskole (Nuuk - atuarfik namminersortoq) |
|---|---|

Siunertaq

§ 2. Inuusuttut Kommunalbestyrelsianni Kommuneqarfik Sermersuumi meeqqanut inuusuttunullu tunngasut politikikkut sulissutigineqartussat suliarineqartarput.

Imm. 2: Inuusuttut Kommunalbestyrelsiata siunertaa tassaavoq:

- inuusuttut tamat oqartussaaqataaneranut tunngasunik suliaqarnermik misilittagaqalersinneqassasut aamma kommunimi najukkamilu pissutsinik peqataanerunissaat patajaallisarneqassasoq
- kommunimi qanoq sulisoqartarneranut aamma nammineerlutik qanoq allanngueqataasinnaaneranut – inuusuttut paasinninnissaannik siuarsaaneq
- Kommuneqarfik Sermersuumi inuusuttut namminneq qineqqusaarutitik aamma kommunimit qaaqqusaanertik aqutigalugu – tusaaneqarnissaannik qulakkeerinneq

Ataatsimiinnerit aqqissuunnerisigut

§ 3. Inuusuttut Kommunalbestyrelsiat piffissami qinigaaffiminni marloriarlutik naapissapput.

Imm. 2. Piffissap qinigaaffiusup nalaani ataasiarluni ornigulluni ataatsimiittoqartarpoq, tassani innersuussinerit sisamat angullugit suliaqartoqartarluni, amerlanerussuteqarluni taasinikkut akuersissutigineqartartunik.

Imm. 3. Ornigulluni ataatsimiinneq ilaasortamit angajullersamit ammarneqassaaq ilaasortamillu nukarlermit naggaserneqassalluni.

Imm. 4. Malinnaatitsilluni onlinekkut ataasiartumik ataatsimiititsisoqassaaq, tassani ilaasortat innersuussutigineqartut kommunimi qanoq tiguneqarsimanerininik suliarineqarsimanerininillu killiffimmik paasitinnegassallutik.

§ 4. Ornigulluni ataatsimiinnermi atuarfiit tamarmik angalanerup aamma ataatsimiinnerup avataani najugaqarnermi ilaasortanut malinnaasussamik ataatsimik ingiallorteqartitsissapput. Piumasaqaat taanna atuutinngilaq ilaasortaq piffissami ataatsimiiffiusumi 18-inik ukioqalereersimappat.

Innersuussinerit aalajangiinerillu

§ 5. Inuusuttut Kommunalbestyrelsiata innersuussutai Kommuneqarfik Sermersuup piginnaatitaaffiata ataaniissapput allaffeqarfillu suleqatigalugu qulakkeerneqassallutik.

Imm. 2. Innersuussinerit najuuttut akornanni amerlanerussuteqarnikkut aalajangerneqartassapput.

Imm. 3. Innersuussutit akuersissutigineqartut Kommunalbestyrelsimiit aalajangiiffigisassanngorlugu ingerlateqqinneqassapput.

Aaqqissuussaaneq aamma qinersineq

§ 6. Kommuneqarfik Sermersuumi kommunimi illoqarfinni aamma nunaqarfinni atuarfiit tamarmik aamma illoqarfinni atuarfiat namminersortoq ilaasortatut akuerisaapput.

§ 7. Siulersuisuni ilaasortat ukiut marlukkaarlugit qinerneqartarput.

Imm. 2. Atuarfiit nammineeirlutik qinersititsissapput Kommuneqarfik Sermersuumilu Pisortaaqatigiit allatseqarfiannut ilaasortaq qinerneqartoq nalunaarutigissavaat.

Imm. 3. Atuarfinni oqartussaaqataanermut ullorititani atatillugu qinersisoqassaaq.

Imm. 4. Ilaasortat piffissamut ukiunut marlunnut toqqarneqassapput.

Ikkussuussinissamut ilaasortaanissamullu piumasaqaatit

§ 8. Qinigassanngortittut atuarfinni qinigassanngortiffimminni atuartsuussapput aamma ukiumi qinersiviusumi 7., 8., 9. klassimi atuartsuussallutik.

Nuunneq aamma ilaasortaaginnarneq

§ 9. Inuusuttut Kommunalbestyrelsianni ilaasortaq atuarfigisamini klasse atuarfissami neqeroorutigineqannginnera pissutigalugu ukiumi atuarfiusumi tullermi atuarfimmut allamut nuussagaluarpuni ilaasortaasup ilaasortaanini attatiinnassavaa atuarfillu qinigaaffini sinniisuuffigiinnassallugu.

Imm. 2. Ilaasortaq allanik pissuteqarluni atuarfimmut allamut imaluunniit kommunimut allamut nuussagaluarpat, pineqartoq Kommunalbestyrelsimiit anissaaq. Pisuni taamaattuni atuarfinni sinniisoq siulleq piffissap qinigaaffiusup sinnerani atuutissaaq.

Suliatigut pilersaarusiorneq aamma ataqatigiissarineq

§ 10. Atuarfimmi aqutsisut, ilinniartitsisut attaveqaatillu Pisortaaqatigiit allatseqarfiannit suliniummik aqutsisumik suleqateqarput, Inuusuttut Kommunalbestyrelsiannut ikorfartuiniarlutik sulianillu ataqatigiissariniarlutik.

Imm. 2. Suliniummik aqutsisup suliasat makkua isumagisarpai:

- Ullormut oqaluuserisassanik imaqarnilianillu suliaqarneq nassiuussinerlu
- Inuusuttut Kommunalbestyrelsiata ataatsimiinnissaanik pilersaarusiorneq aamma suliaannik aaqqissuussineq
- Allaffissornikkut suliasat aamma Inuusuttut Kommunalbestyrelsiannut suleqatigiissitaannullu atatillugu siunnersuinerit.

Kommunimut atatillugu tusarniaaneq peqataanerlu

§ 11. Inuusuttut Kommunalbestyrelsianni ilaasortat qaqugukkulluunniit politikikkut ataatsimiititanit, kommunimi immikkoortortanit imaluunniit kommunimi meeqqat inuusuttullu pillugit apeqqutit pillugit aggeqquneqarsinnaapput.

Imm. 2. Peqataanermut atatillugu aningaasartuutit aggeqqusisumit isumagineqassapput.

Kommunalbestyrelsimi akuerineqarpoq ulloq 17. juuni 2025.

Avaaraq Olsen

Borgmesteri